



高麗史

世家

十

リ研6  
2.809  
10



特  
U6  
2809  
10



紀

世家卷第十七

高麗史十七

正憲大夫工曹判書集賢殿大提學知經筵兼祕書館事兼成均大司成臣鄭麟趾奉  
教

仁宗三

十七年春正月戊子金遣高州管内觀察使  
耶律寧來賀生辰 壬辰宴金使于大觀殿  
乙未幸神衆院 二月戊午大赦制曰朕  
承先君之末命襲累世之丕基德薄任重不  
能制御致使權臣跋扈災禍發作於丙午二

月靈聖祠宇祖宗神御路寢府庫焚盡無遺  
朕俯仰慚兢不違寧處今者賴天地之陰扶  
臣民之協力重修訖功以戊午歲冬十月入  
御斯為慶之莫大宜與民而同休普推恩澤  
布及中外自大辟以下罪悉原之 庚午宴  
群臣於大觀殿賜馬人一匹 丙子幸普濟  
寺 三月甲申門下侍郎平章事致仕崔思  
全卒 辛卯出御輿王寺薦福院 癸巳慮  
囚 乙巳召金富執崔溱等置酒命富執讀

司馬光遺表及訓儉文 夏四月丁卯隕霜  
已巳雨雹 庚午還壽昌宮 五月甲申  
謁景靈殿 甲午親醮闕庭 丙申幸普濟  
寺 乙巳雨雹 丙午慮囚 六月庚戌王  
如奉恩寺 甲寅賜崔伋等及第 癸亥王  
受菩薩戒于明仁殿 戊辰慮囚 秋八月  
辛亥出妃李氏卒 辛酉幸外帝釋院遂幸  
九曜堂 庚午幸普濟寺 九月壬午遣祗  
候崔思永如金東京 甲申王如安和寺

冬十月庚申設佛頂道場於明仁殿 己巳  
幸王輪寺 乙亥設百座道場於宣慶殿三  
日飯僧三萬 十一月庚辰左常侍康英俊  
等上疏論事十餘條 壬午遣刑部員外郎  
陳灌如金謝賀生辰 癸未親享耆老及孝  
順節義篤廢疾者 甲午遣尚衣奉御崔時  
允如金賀正 庚子遣戶部員外郎王正彪  
如金賀萬壽節 辛丑以金若溫守太傅門  
下侍中判戶禮部事仍令致仕 甲辰叅知

庚申

政事致仕金克儉卒 十二月丙辰慮囚  
丁巳設消災道場於明仁殿四日 辛未以  
任元斡爲西京留守使崔溱叅知政事李之  
氏知樞密院事王冲爲樞密院副使  
十八年春正月癸未金遣秦州管内觀察使  
完顏昂來賀生辰 乙酉宴金使于大觀殿  
二月壬戌門下侍中致仕金若溫卒 甲  
子幸外帝釋院 甲戌以陳景甫爲尚書右  
僕射上將軍尹珍爲兵部尚書上將軍 三

月丙子朔出御興王寺薦福院 丁酉慮囚  
夏四月乙巳朔以任元斡判尚書兵部事  
李仲爲中書侍郎平章事崔濬爲右僕射判  
刑部事任元淑爲禮部尚書簽書樞密院事  
甲寅還新闕 丁卯親禘于大廟加上九  
廟尊謚又遣使十二陵加上大王王后尊謚  
還御闕庭下詔曰朕承祖宗重大之業夙夜  
祇懼不敢違寧惟德不類遭時多難頃者西  
人無故犯順不得已行師問罪而賴祖宗假

手之力誅流罪人西土復定今者躬行禘享  
推美加號庶幾恩澤布及中外其犯公流私  
徒以下罪者悉原之二罪以上除刑流配前  
流配者量移 五月丙子金東京知禮賓司  
事王杲來報聘 戊戌賜彭希密等及第  
六月甲辰朔王如奉恩寺 戊午王受菩薩  
戒于大觀殿 閏月丁亥設金經道場於金  
明殿禱雨巳丑聚巫又禱 辛卯親禱于法  
雲寺 壬辰慮囚 丁酉醮于宣慶殿禱雨

戊戌親禱于外帝釋院 秋七月庚午幸普濟寺 八月戊寅中書侍郎平章事崔濡卒 丁酉幸妙通寺 九月戊申王如安和寺 壬子幸普濟寺 乙卯慮囚 冬十月戊戌設佛頂道場於明仁殿五日 庚子遣刑部員外郎朴純冲如金謝賀生辰 十一月丁未遣刑部員外郎黃周瞻如金賀正禮部侍郎崔誠賀萬壽節 十二月丙寅以李之氏為禮部尚書金正純為兵部尚書王冲同

酉

知樞密院事

十九年春正月丙午王太子冠 丁未金遣同知宣徽院事趙興商來賀生辰 庚戌宴金使于大觀殿 壬戌幸神衆院 己巳金報皇帝受尊號改元皇統 二月癸巳幸普濟寺 三月辛丑幸王輪寺 丙午幸外帝釋院 壬子以康滌為禮部尚書簽書樞密院事仍令致仕 夏四月癸酉遣禮部侍郎權適右司諫金永若如金賀上尊號適等至

金境金人以妨農時不許入乃還 戊寅王  
如安和寺 丙戌白暈貫日 五月壬子司  
空瑜卒 六月戊辰朔王如奉恩寺 壬午  
王受菩薩戒于明仁殿 秋七月己亥溟州  
道監倉使李陽實遣人入蔚陵島取菓核木  
葉異常者以獻 八月乙亥以城檢校司空  
上柱國 丙戌幸王輪寺 九月壬寅王如  
安和寺 辛亥還壽昌宮 壬戌幸普濟寺  
復遣權適金永若如金 冬十月癸巳設

百高座道場于禁中三日飯僧三萬 十一  
月乙巳遣李之茂如金謝賀生辰 己酉遣  
朴台進如金賀正柳執賀萬壽節 十二月  
庚寅以任元斡李仲爲門下侍郎平章事崔  
溱爲中書侍郎平章事金仁揆爲左僕射叅  
知政事李之氏爲政堂文學判翰林院事金  
正純王冲知樞密院事崔灌同知樞密院事  
二十年春正月辛丑金遣肇州防禦使烏陵  
錫嘏來賀生辰 壬寅以金良秀爲刑部尚

註

書上將軍李祿千爲工部尚書上將軍 丙  
午宴金使于大觀殿 癸丑諫官劾奏秘書  
少監寶文閣待制金精嘗詣樞密金正純第  
使酒詬罵請罪之落寶文閣待制諫官又奏  
罪重罰輕請罷其職從之 丁巳幸神衆院  
二月乙丑朔幸外帝釋院 己卯燃燈  
金使請觀樂館伴金端奏請許之臺諫固諫  
又彈端及掌奏承宣裴景誠不聽 辛卯遣  
金巨公如金東京 三月己酉賜高儔等及

第 庚申幸普濟寺 夏四月己巳以任元  
斲判尚書吏部事 癸酉王如安和寺 己  
丑幸外帝釋院 五月丙申叅知政事金仁  
揆卒 庚戌金遣大府監完顏宗禮翰林直  
學士田穀來冊王戊午王受詔于宣慶殿詔  
曰九儀錫命禮本於周官諸侯稱王事從於  
漢制卿世遵信約躬踐令猷肇從嗣守之初  
克謹稱藩之義累年于此一德不渝宜封冊  
之遂行飭使輶而往使恪守爾典恭聽朕言



高麗史卷十七  
今遣使冊命仍賜九旒冠一頂九章服一副  
玉珪一面金印一面玉冊一副象輅一馬四  
匹別賜衣對匹段器用若干鞍轡馬三匹散  
馬四匹冊曰首先王疆理天下錫命六服率  
因世守用丕協于大公肆朕君臨若稽隆古  
亦惟崇德象賢以奉若天道咨爾楷英氣邁  
往淑質純茂粵自早歲以孝友誠敬事親有  
聞逮其纘承祗德彌邵眷爾先招克篤忠貞  
以謹事大邦懷保惠訓載祀數百用詒燕于

爾躬爾亦迪知忱恂夙夜兢翼爰刈崇激式  
克敬典乃增裕于前烈朕甚嘉之越茲旣累  
年而典冊未稱大懼怫鬱公議今遣使持節  
冊命爾爲儀同三司柱國高麗國王永爲我  
藩輔於戲惟天難忱惟命不于常人之攸好  
德降之百祥義之不庸彊自取弱勿矜于貴  
勿溢于富勿敢怠于宴康聽予一人之猷訓  
以嚮受多福其以有民世享豈不偉歟又加  
開府儀同三司上柱國詔曰朕恭承先業奄

有庶邦賓實以名勉徇樂推之意由中及外  
惟均大賚之恩奕世撫封象賢嗣爵夙篤尊  
王之義宜膺進秩之榮屬使傳之往馳申命  
書而用錫尚綏厥位永孚于休故事受冊命  
必於南郊今宗禮等奉朝廷指揮始於玉宮  
頒詔 六月癸亥王如奉恩寺 辛未宴金  
使于大觀殿 丙子王受菩薩戒于大觀殿  
秋七月辛丑始行金皇統年號命有司告  
于大廟及十二陵 八月庚辰幸玉輪寺

丁亥出御長源亭有一婦抱雙生男謁于路  
賜布二十匹 九月丙申幸敬天寺 冬十  
月戊辰御長源亭西樓閱射中者賜物有差  
甲戌幸彰信寺遂如天壽寺 乙亥還御  
新闕 庚辰遣同知樞密院事崔灌諫議大  
夫崔惟清如金謝冊命 乙酉有事于大廟  
赦 丁亥遣崔褒偁如金謝賀生辰 十一  
月辛卯金東京飛騎尉蒲察忠安來報聘  
癸巳遣使八道察訪州縣官吏能否 戊戌

癸

遣李永章如金進方物辛丑遣李陽升賀正  
 癸丑遣安正脩如金賀萬壽節 十二月  
 乙丑王以重脩功畢如奉恩寺 丙戌以任  
 元斡監修國史李之氏守司空左僕射判禮  
 部事金正純守司空知門下省事判刑部事  
 韓惟忠為左僕射樞密院事判三司事王冲  
 為吏部尚書  
 二十一年春正月己丑朔日食 乙未金遣  
 洛州防禦使蕭嗣貞來賀生辰 戊戌宴金

使于大觀殿 壬寅以池錫崇為兵部尚書  
 崔孝升攝工部尚書 癸卯幸神衆院 二  
 月甲申幸外帝釋院 丙戌幸王輪寺 夏  
 四月丁卯王如安和寺 戊辰隕霜雨雹  
 丁亥幸普濟寺 閏月乙巳納王氏為太子  
 妃 丁未賜太子妃詔書禮物遂召廣平侯  
 源司徒溫平章事任元斡曲宴于密殿 甲  
 寅幸外帝釋院 五月丁卯延德宮火 六  
 月丁亥王如奉恩寺 戊子以王妃任氏有

高麗史卷十七

癸

遣李永章如金進方物辛丑遣李陽升賀正  
 癸丑遣安正脩如金賀萬壽節 十二月  
 乙丑王以重脩功畢如奉恩寺 丙戌以任  
 元斡監修國史李之底守司空左僕射判禮  
 部事金正純守司空知門下省事判刑部事  
 韓惟忠為左僕射樞密院事判三司事王冲  
 為吏部尚書  
 二十一年春正月己丑朔日食 乙未金遣  
 洺州防禦使蕭嗣貞來賀生辰 戊戌宴金

使于大觀殿 壬寅以池錫崇為兵部尚書  
 崔孝升攝工部尚書 癸卯幸神衆院 二  
 月甲申幸外帝釋院 丙戌幸王輪寺 夏  
 四月丁卯王如安和寺 戊辰隕霜雨雹  
 丁亥幸普濟寺 閏月乙巳納王氏為太子  
 妃 丁未賜太子妃詔書禮物遂召廣平侯  
 源司徒溫平章事任元斡曲宴于密殿 甲  
 寅幸外帝釋院 五月丁卯延德宮火 六  
 月丁亥王如奉恩寺 戊子以王妃任氏有

疾設消灾道場於大觀殿五日庚寅命太子  
設寶星道場於脩文殿三日 庚子王受菩  
薩戒于大觀殿 戊申還壽昌宮 壬子以  
廣平侯源守太保廣平公司徒温守太尉江  
陵侯 八月乙未出御長源亭 九月庚申  
幸慶天寺 癸酉以裴景誠知吏部事景誠  
為承宣取倡女為妻諫官言景誠內行如此  
不可居喉舌之職改除知御史臺事諫官又  
言風憲尤非所宜論執不已故有是命 冬

十月壬戌王還壽昌宮 十一月乙卯設百  
座道場於宣慶殿三日飯僧三萬 己未遣  
兵部員外郎林仲如金謝賀生辰 丁卯遣  
李德壽如金進方物辛未遣尚食奉御尹彥  
攸賀正乙亥遣庾弼賀萬壽節 十二月癸  
未太史奏大陽當食不虧 壬辰中書侍郎  
平章事致仕崔滋盛卒 丁未以李之氏叅  
知政事判西京留守事金正純叅知政事  
二十二年春正月己未金遣大府監蕭隸來

疾設消灾道場於大觀殿五日庚寅命太子  
設寶星道場於脩文殿三日 庚子王受菩  
薩戒于大觀殿 戊申還壽昌宮 壬子以  
廣平侯源守太保廣平公司徒溫守太尉江  
陵侯 八月乙未出御長源亭 九月庚申  
幸慶天寺 癸酉以裴景誠知吏部事景誠  
為承宣取倡女為妻諫官言景誠內行如此  
不可居喉舌之職改除知御史臺事諫官又  
言風憲尤非所宜論執不已故有是命 冬

十月壬戌王還壽昌宮 十一月乙卯設百  
座道場於宣慶殿三日飯僧三萬 己未遣  
兵部員外郎林仲如金謝賀生辰 丁卯遣  
季德壽如金進方物辛未遣尚食奉御尹彥  
攸賀正乙亥遣庾弼賀萬壽節 十二月癸  
未太史奏大陽當食不虧 壬辰中書侍郎  
平章事致仕崔滋盛卒 丁未以李之氏叅  
知政事判西京留守事金正純叅知政事  
二十二年春正月己未金遣大府監蕭隸來

高麗史卷十一  
十一  
賀生辰 庚申王齋宿南郊 辛酉祀圓丘  
壬戌宴金使 庚午幸神衆院 乙亥親  
耕籍田赦群臣表賀 二月丁亥幸外帝釋  
院 乙未戶部尚書致仕許載卒 己亥宴  
群臣於大觀殿賜馬人一匹 甲辰詔復齊  
民孝悌力田者 庚戌出御長源亭 三月  
庚辰還壽昌宮 夏四月辛卯王如安和寺  
戊戌幸普濟寺 庚戌雨雹 五月壬子  
賜金敦中等及第 六月辛巳朔王如奉恩

寺 己丑慮囚 乙未王受菩薩戒于明仁  
殿 秋七月庚申王妃任氏生子暉百官表  
賀 八月辛丑幸普濟寺 丙午出御長源  
亭 九月癸亥慮囚 甲戌以旗頭軍羅信  
刃傷所生棄市 乙亥閱射於西樓丁丑亦  
如之 冬十月庚辰還壽昌宮 戊子設百  
座道場於宣慶殿三日飯僧三萬 甲午親  
饗耆老男女及孝順義節鰥寡孤獨篤廢疾  
者賜物有差王行視孝子親問行實感慟出

滂 十一月甲寅遣左司郎中朴義臣如金  
 謝賀生辰 甲子遣衛尉少卿高瑩夫如金  
 賀正 十二月癸未王聞金主幸東京遣祕  
 書監郭東珣往聘丁亥又遣少府少監金龜  
 符進方物辛卯遣戶部侍郎崔子英賀萬壽  
 節 戊戌以崔濬為太子太傅金正純為尚  
 書右僕射西京留守使兼太子少傅韓惟忠  
 叅知政事判工部事兼太子少傅王冲為樞  
 密院使判三司事朴挺繼為樞密院副使兼

乙

太子賓客

二十三年春正月癸丑金遣翰林直學士趙  
 洞來賀生辰 乙卯親設道場於脩文殿  
 丙辰宴金使於大觀殿 壬申幸神衆院  
 甲戌幸外帝釋院 二月丁亥樞密院副使  
 朴挺繼卒 三月庚戌遣閣門通事舍人徐  
 恭如金東京 甲寅幸玉輪寺 設佛頂道  
 場於明仁殿五日 丁巳慮囚 辛未以崔  
 梓同知樞密院事兼太子賓客 壬申幸普



濟寺 夏四月戊寅賜李資謙諸子穀六百石 已丑雨雹 五月丙辰政堂文學叅知政事李之武卒 辛酉設消災道場于脩文殿四日 慮囚 乙丑賜趙文振等及第 丙寅幸外帝釋院 六月乙亥朔日食 丙子王如奉恩寺 已丑王受菩薩戒于大觀殿 金橫宣使太府監完顏思海來 壬辰宴金使于大觀殿 秋七月北界昌朔龜義靜龍鉄等七州及西海道海州蝗 八月已

卯以韓惟忠判尚書禮部事脩國史太子少保王冲守司空叅知政事判工部事太子少保崔灌爲樞密院使判三司事李仁實同知樞密院事太子賓客 丙戌叅知政事金正純卒 九月庚戌王如安和寺 癸丑慮囚 冬十月丁丑幸普濟寺 甲申設百座道場於宣慶殿二日飯僧三萬 十一月丙午右常侍裴景誠諫議大夫崔誠等上疏言事不報郎舍皆乞罷歸省中爲空二日 乙卯

幸法雲寺 丙辰金東京承信校尉飛騎尉  
 王好古來報聘 閏月壬申遣借衛尉卿井  
 彥深如金謝賀生辰 丙子遣借戶部侍郎  
 安綽裕謝橫宣 癸未遣借殿中少監李之  
 正賀正 甲申遣借禮賓少卿李仁威進方  
 物 庚寅遣借禮部侍郎芮樂全賀萬壽節  
 十二月壬戌金富執進所撰三國史 丙  
 寅以任元數守太保判西京留守使崔漆為  
 門下侍郎平章事韓惟忠為中書侍郎門下

丙寅

平章事太子少師王冲崔灌為尚書左右僕  
 射崔梓為戶部尚書知樞密院事  
 二十四年春正月丁丑金遣衛州防禦使完  
 顏昇來賀生辰 戊寅王命太子引禮部侍  
 郎鄭襲明講書大禹謨 壬午宴金使於大  
 觀殿遂不豫 丁亥赦二罪以下 辛卯王  
 疾篤卜曰資謙為崇遣內侍韓綽徙置資謙  
 妻子於仁州壬辰百官就禱于普濟寺飯僧  
 二千甲午又禱于十王寺 己亥禱于廟社

二月癸丑燃燈停作樂 乙卯平章事任  
元斂與百官會宣慶殿禱于皇天上帝曰天  
遠而幽固難議擬人微且賤可表信誠輒殫  
犬馬之棕仰黷神明之鑑昔者武王在位遘  
疾不瘳周公作書以身請代古今雖異忠義  
則同此臣等所以泣血書辭呼天請命者也  
惟冀蒼旻曲從悃幅願以吾王之疾移於臣  
等之軀使歷數以更增致宗祧之有托則臣  
等敢不蹈自新之路謝既往之愆迪上則陳

善而閉邪爲民則興利而除害不作貪憚之  
行勿爲詭詐之方清白惟勤死生無變苟渝  
盟於異日必見殛於明神 丙辰巫覡謂拓  
俊京爲祟追復俊京門下侍郎平章事召還  
其子孫官之 戊午赦 己未晉康伯演卒  
庚申以巫言遣內侍奉說決金堤郡新築  
碧骨池堰 甲子王疾大漸傳位于太子覲  
制曰朕以涼德叨纘丕業臨深馭朽不知所  
圖天降之孽疾疹不瘳上懼天心下愧民望

夙夜靡違思免厥咎庶政萬機不可久曠神器大寶不可暫虛太子覲處震之長重離之明元良之德格于上下是故惟先王立愛之模法三代與子之義付之重任主之三韓必能稽若典章以凝庶績自今已往凡軍國事務並取嗣君處斷丁卯遺詔曰朕荷皇天之眷命承列聖之遺休撫有三韓二十五載今者憂勤積慮疾恙累旬有加無瘳遂至大漸於戲聖哲之道知其存亡佛老之言一乎生

死此蓋事之必至理之自然歸者順變以不留存者抑哀而善孝此天下之達道也咨爾王太子覲忠孝之美天資夙成德業之隆人望攸屬可即王位喪服以日易月山陵制度務從儉約思蹈聖賢之懿則無忝祖宗之耿光文武百寮同心協德贊襄國政保乂王家布告中外咸知朕意遂薨于保和殿移殯于乾始殿在位二十四年壽三十八上謚恭孝廟號仁宗葬于城南陵曰長陵高宗四十年

加謚克安

史臣金富軾贊曰仁宗自少多才藝曉音律善書畫喜觀書手不釋卷或達朝不寐及即位聞明經申淑貧甚召入內侍受春秋經傳性又儉約嘗不豫宰樞入內問疾所御寢席無黃紬之緣寢衣無綾錦之飾初年宮中宦寺及內僚之屬甚多每黜以微罪不復補至末年不過數人日再視事或奏事者稽遲必使小臣趣之專以德惠安民不欲興兵生事

及金國暴興排群議上表稱臣禮接北使甚恭故北人無不愛敬詞臣應制或指北朝爲胡狄則瞿然曰安有臣事大國而慢稱如是耶遂能世結歡盟邊境無虞不幸資謙恣橫變生宮闈身遭幽辱然以外祖之故曲全其生至如拓俊京亦棄過錄功俾保首領斯可以見度量之寬矣故其薨也中外哀慕雖北人聞之亦且嗟悼廟號曰仁不亦宜哉惜乎感妙清遷都之說馴致西人之叛興師連年

僅乃克之此其爲盛德之累也

史臣金莘夫曰睿廟末年屬念房帷馴致外家貪恣之行仁宗幼冲即位宰相韓安仁等不能長慮却顧潛奪其權而悞忿生事反被竄戮徒使奸兇跋扈毒流三韓至於射黃屋焚寢廟脅至尊置私第殺戮左右併奪國衡祖宗之業幾於墜地可以鑑矣又惑於淨心壽翰陰陽之說卒致西都之叛逆者何也蓋以天性一於慈愛優游不斷故耳是以典刑

未正於丙午之逆類處置不均於西都之叛民又深信浮屠增益生民之弊惜哉其不喜遊宴減省宦寺恭儉以飭身誠信以交隣雖古帝王何以加焉

毅宗一

毅宗莊孝大王諱暉字日升古諱徹仁宗長子母曰恭睿太后任氏仁宗五年丁未四月庚午生二十一年封爲太子二十四年二月丁卯仁宗薨受遺詔即位於大觀殿 三月

甲申葬仁宗于長陵 戊戌尊母后為王太后 夏四月庚戌大雨雹 以王生日為河清節受群臣朝賀 癸丑東宮時僚屬並加恩賞 乙巳以任元敦為門下侍中定安侯 戊午御儀鳳樓大赦 五月庚午幸妙通寺 壬午江陵侯溫卒 六月己亥朔王如奉思寺 兩雹 秋九月壬午慮囚 平章事李俊陽卒本全州吏以清白達 甲申平章事韓惟忠卒輟朝三日以勤儉正直見重

思  
恩

於時 丙申幸外帝釋院 冬十月戊戌金遣清州防禦使烏延遵禮少府少監烏居仁來祭仁宗其文曰惟靈撫有藩封踐修遺訓忠勤著於三世功利被於一方遽爾考終茲焉茹嘆式馳使傳往致真儀庶其有知歆此至意 庚子同知中京路都轉運司事蕭謙來弔慰 壬寅簽書會寧府事曹充來命王起復 癸丑宴金使于大觀殿 甲子設百座會於宣慶殿王親聽講經遂幸毬庭飯僧

三日 十一月己卯遣趙可仁如金賀正  
庚辰設八關會御幕次受賀命去殿上女樂  
遂幸法王寺 癸未遣李陽實如金謝恩  
乙酉遣金陽晉進方物 丙戌攝行虞祭  
平章事王冲乞致仕詔冲清儉公平身尚康  
強其賜几杖令視事 己丑遣梁元俊如金  
賀萬壽節 甲午御史臺奏鴨江都部署副  
使尹粹彥及兵船十一艘軍卒二百九人溺  
死兵馬使不能指揮以致於此請罪之從之

十二月丙午詔來丁卯年燃燈用正月望  
以二月仁宗忌月故改行之爲恒式 丁未  
醮本命于內殿 己酉慮囚 乙卯國子祭  
酒翰林學士權適卒

元年夏四月辛酉幸外帝釋院 壬戌雨雹  
五月甲子賜李愈昌等及第 庚午宋都  
綱黃鵬陳誠等八十四人來 丁丑禱嗣子  
靈通寺講華嚴經五十日 甲申臺諫上章  
言事 丁亥臺諫以言事不報歸第王乃下



毬杖各六鞍二于御史臺臺奉詔鑲壽昌宮  
北門以禁群小出入王遊北園謂左右曰吾  
擊毬之技無復試矣已而取毬擊之人莫有  
及者 庚寅臺諫復就職 六月癸巳朔王  
如奉恩寺 辛丑慮囚 丁未王受菩薩戒  
于明仁殿又受菩薩戒于魂堂 秋七月甲  
子命翰林學士崔惟清講書說命三篇命叅  
知政事崔粹等聽講右司諫李元膺問難  
是月海州蝗 太史奏太白自六月望後晨

見經天今又連日晝見 八月戊戌太白晝  
見 已亥夜虎入大明宮 壬寅命刑官覆  
奏重刑 甲辰日本都綱黃仲文等二十一  
人來 已未平章事致仕任元濬卒 九月  
辛未慮囚 壬申虞祭于魂堂 癸酉出御  
長源亭 甲申太白經天二日 御西樓觀  
擊毬戲 冬十月乙未朔觀擊毬於西樓  
丁酉御西樓觀擊毬凡四日 丙午還宮  
戊申設百高座會於宣慶殿 已酉幸百高

高麗史卷之七  
二十  
座會聽經遂行毬庭飯僧三日 己未親饗  
老人孝順義節于毬庭庚申賜設鰥寡孤獨  
篤廢疾 十一月甲戌設八關會幸法王寺  
乙亥遣裴承古如金賀正 丙子西京人  
李淑柳赫崇冕等伏誅初金祭真使還淑等  
附書曰大國兵直到西京請爲內應事覺誅  
之 丁丑金遣完顏宗道來賀生辰 庚辰  
遣王執如金獻方物 甲申王擊毬于北園  
丁亥遣朴儵如金賀萬壽節 刑部奏監

察御史李玄夫以雲興倉米十七石與其義  
子及富商請徵還本倉罷職禁身制可 十  
二月乙未以李時敏爲左散騎常侍同知樞  
密院事 丁酉知御史臺事文公裕左正言  
鄭知源等三日伏閣言事 甲辰御史臺奏  
壽昌宮北門嘗奉詔關鑰散負史直哉校尉  
鄭仲夫等擅開出入自恣請下吏王不聽慰  
解之 戊申慮囚 丁巳以高兆基守司空  
上柱國李仁實爲尚書右僕射叅知政事判

辰戊

刑部事金永寬為吏部尚書樞密院使林光  
知樞密院事崔惟清為御史大夫同知樞密  
院事庾弼為樞密院知奏事吏部侍郎

二年春正月庚申朔放朝賀 遣母弟暉及

皓告朔于虞宮 戊辰設帝釋道場于修文

殿七日 癸酉燃燈王如奉恩寺 丙子以

叅知政事李仁實權判都兵馬事知樞密院

事林光為都兵馬使 二月庚子以池深為

右僕射兵部尚書鷹揚軍上將軍權正鈞為

刑部尚書龍虎軍上將軍于方宰為戶部尚

書左右衛上將軍 乙卯進奉使王軾還自

金云金人言進奉表頭不書王名差使不書

陪臣命法司科罪 丁巳設仁宗大祥齋于

靈通寺太后又設齋于奉恩寺行香 戊午

以文公裕為西北面兵馬使安正修為東北

面兵馬使 三月己未朔王如靈通寺謁仁

考真殿 辛酉右常侍崔誠中書舍人崔允

儀等請黜內侍金巨公宦者之淑等七人王

不聽誠等伏閣力爭凡三日乃從之 甲子  
 奉安仁宗神御于景靈殿 丙寅以高兆基  
 為政堂文學判戶部事金永寬知門下省事  
 判工部事林光為樞密院使判秘書省事崔  
 惟清知樞密院事判三司事文公元同知樞  
 密院事李軾為右僕射 丁卯出御國清寺  
 留十三日 壬申以文公裕試右散騎常侍  
 改崔誠為國子監大司成崔允儀試禮部侍  
 郎 乙亥慮囚 庚辰出御興王寺乙酉還

壽昌宮 夏四月丙申雨雹 五月癸亥幸  
 王輪寺 甲子金遣完顏慎之來命王落起  
 復 丁卯宴金使於大觀殿 庚午大理卿  
 完顏宗安禮部侍郎蔡松年來冊王為開府  
 儀同三司上柱國高麗國王 六月戊子王  
 如奉恩寺 辛卯宴金使於大觀殿 癸巳  
 慮囚 辛丑王受菩薩戒于大觀殿 金橫  
 宣使孛散守道來戊申宴于大觀殿 秋七  
 月乙丑王上冊于王太后 丙寅宴群臣

乙亥大赦賜文武官階爵 是月良醞令同  
正宋彥升殺其妻配有人島檢校少監楊秀  
英殺母弟配海際縣 八月己丑以獄空設  
般若道場於典獄署五日 辛卯納故奉御  
崔端女爲妃 是月宋都綱郭英莊華黃世  
英陳誠林大有等三百三十人來 閏月丁  
卯謁顯陵 庚午御史臺伏閣言事三日  
癸酉以任元淑爲中書侍郎同平章事仍令  
致仕任克忠爲樞密院副使尹彥植守司空

金永錫爲修文殿學士李之茂爲右諫議大  
夫 戊寅謁昌陵 壬午謁長陵 九月丙  
寅朔賜柳庭堅等及第 丁酉慮囚 冬十  
月丁卯親禘于大廟赦初李深智之用與宋  
人張詰同謀深變名稱東方昕通書宋大師  
秦檜以爲若以伐金爲名假道高麗我爲內  
應則高麗可圖也之用以其書及柳公植家  
藏高麗地圖附宋商彭寅以獻檜至是宋都  
綱林大有得書及圖來告囚詰深之用于獄

鞠之皆伏深之用死獄中詰伏誅其妻皆配  
 遠島 十一月乙酉朔遣宋公贊如金謝賀  
 生辰 丁亥遣李之和謝落起復 戊子尊  
 仁宗次妃金氏為王太妃延壽宮主 己丑  
 冊弟暉為大寧侯皓為翼陽侯 庚寅冊王  
 妹上公主為承慶宮主二公主為德寧宮主  
 乙未遣許進升如金謝橫宣 戊戌設八  
 閩會幸法王寺 己亥遣李軾金永夫如金  
 謝冊封廉直諒賀正 辛丑金遣高景山來

賀生辰 癸卯遣殿中侍御史李公升如金  
 進方物 丙午宴金使于大觀殿 丁未遣  
 金禮雄如金賀萬壽節 以弟興王寺法尊  
 玄曦為拯世僧統 十二月丙辰宋商譚全  
 陳寶等十四人來 壬戌王擊毬於北園  
 丁卯以李仁實權判吏部事高兆基權判兵  
 部事 辛巳以任元斡守太尉定安公金富  
 軾守太保樂浪郡開國侯李仁實為中書侍  
 郎同平章事判吏部事高兆基叅知政事判

兵部事金永寬叅知政事判工部事尹彥頤  
爲政堂文學判刑部事崔惟清爲兵部尚書  
文公元爲御史大夫知樞密院事判三司事  
庾弼爲樞密院副使金永錫爲吏部尚書李  
之茂爲左諫議大夫崔允儀知御史臺事  
三年春正月甲申朔放朝賀 壬辰設帝釋  
道場於修文殿七日 丙申以方資壽爲工  
部尚書神虎衛上將軍 丁酉燃燈王如奉  
恩寺 癸卯上王太后玉冊金寶曲宴于康

巳

安殿 戊申閱兵 己酉親醮二十七位神  
於內殿 二月丁巳閱兵 甲子親醮毬庭  
丁卯幸外帝釋院 庚午選驍勇騎士十  
八人觀擊毬于後庭 壬午王以仁宗忌辰  
如靈通寺行香 三月癸未朔日食 辛卯  
出御長源亭 乙未慮囚 丁酉御西樓觀  
擊毬三日 夏四月甲寅還宮 辛酉以李  
仁實守司空門下侍郎平章事高兆基爲中  
書侍郎平章事庾弼爲秘書監金永錫爲三

司使崔誠爲工部尚書鄭襲明爲翰林學士  
己巳雨雹 戊寅王妃王氏生元子 己  
卯禱雨于山川及諸神祠 辛巳百官賀生  
元子 五月甲申以元子生親告于景靈殿  
辛卯再雪 丁酉親醮南斗于內殿 庚  
戌守司空左僕射尹彥植卒 六月壬子朔  
王如奉恩寺 乙丑王受菩薩戒于大觀殿  
戊辰醮三界神於宣慶殿以禳蝗蟲 庚  
午設般若道場於修文殿 秋七月壬辰宴

寶文閣學士文公裕直閣高瑩夫于清讌閣  
略君臣之禮 丙申又宴平章事高兆基等  
于清讌閣 丙午諫官伏閣言事二日 宋  
都綱丘迪徐德榮等百五人來 八月庚戌  
宋都綱寥悌等六十四人來 丁巳林大有  
黃宰等七十一人來 己未出御長源亭  
庚申宋都綱陳誠等八十七人來 壬申御  
西樓觀擊毬 以李公升爲右司諫知制誥  
柳公材爲侍御史 癸酉引見平章事高兆



高麗史卷十七  
二十六  
基御史大夫文公元中書舍人王執左承宣  
鄭襲明置酒論國事遂御西樓觀擊毬 九  
月壬午政堂文學尹彥頤卒 癸未御西樓  
觀擊毬 乙酉又觀擊毬戲馬 丁亥引見  
知門下省事崔惟清御史大夫文公元等六  
人置酒遂御西樓觀擊毬 庚寅慮囚 癸  
巳御西樓觀擊毬二日 丙申夜又御西樓  
觀擊毬 庚子幸觀德亭閱兵賜物有差  
辛丑宴宰樞侍臣 壬寅閱兵 癸卯還壽

二十六  
丙申夜

昌宮 冬十月甲子設消災道場於大觀殿  
六日 壬申設百座會於宣慶殿三日飯僧  
于毬庭 十一月丁亥遣李之中如金謝賀  
生辰 已丑設八關會幸法王寺 辛卯遣  
洪源滌如金賀正 乙未金遣完顏多祐來  
賀生辰 遣持禮使金景元如金東京 辛  
丑遣許純如金進方物 丁未遣韓靖賀萬  
壽節 十二月戊午慮囚 已未以高兆基  
權判吏部事 甲子檢校少府少監高元仁

基御史大夫文公元中書舍人王軾左承宣  
 鄭襲明置酒論國事遂御西樓觀擊毬 九  
 月壬午政堂文學尹彥頤卒 癸未御西樓  
 觀擊毬 乙酉又觀擊毬戲馬 丁亥引見  
 知門下省事崔惟清御史大夫文公元等六  
 人置酒遂御西樓觀擊毬 庚寅慮囚 癸  
 巳御西樓觀擊毬二日 丙申夜又御西樓  
 觀擊毬 庚子幸觀德亭閱兵賜物有差  
 辛丑宴宰樞侍臣 壬寅閱兵 癸卯還壽

昌宮 冬十月甲子設消災道場於大觀殿  
 六日 壬申設百座會於宣慶殿三日飯僧  
 于毬庭 十一月丁亥遣李之中如金謝賀  
 生辰 已丑設八關會幸法正寺 辛卯遣  
 洪源滌如金賀正 乙未金遣完顏多祐來  
 賀生辰 遣持禮使金景元如金東京 辛  
 丑遣許純如金進方物 丁未遣韓靖賀萬  
 壽節 十二月戊午慮囚 己未以高兆基  
 權判吏部事 甲子檢校少府少監高元仁

基御史大夫文公元中書舍人王軾左承宣  
鄭襲明置酒論國事遂御西樓觀擊毬 九  
月壬午政堂文學尹彥頤卒 癸未御西樓  
觀擊毬 乙酉又觀擊毬戲馬 丁亥引見  
知門下省事崔惟清御史大夫文公元等六  
人置酒遂御西樓觀擊毬 庚寅慮囚 癸  
辛丑宴宰樞侍臣 壬寅閱兵 癸卯還壽

昌宮 冬十月甲子設消災道場於大觀殿  
六日 壬申設百座會於宣慶殿三日飯僧  
于毬庭 十一月丁亥遣李之中如金謝賀  
生辰 已丑設八關會幸法正寺 辛卯遣  
洪源滌如金賀正 乙未金遣完顏多祐來  
賀生辰 遣持禮使金景元如金東京 辛  
丑遣許純如金進方物 丁未遣韓靖賀萬  
壽節 十二月戊午慮囚 己未以高兆基  
權判吏部事 甲子檢校少府少監高元仁

庚午

盜所守官絹百八匹罪當絞以犯在赦前杖脊配遠島 壬申以王冲為門下侍中仍令致仕高兆基判尚書吏部事金永寬為中書侍郎同中書門下平章事判尚書兵部事崔惟清叅知政事判尚書刑部事李彥林為兵部尚書文公裕試刑部尚書金端為左散騎常侍

四年春正月己卯朔放朝賀 壬辰燃燈王如奉恩寺 庚子密進使朴純冲如金不至

而復 金平章政事完顏亮穢其主亶而自立改元天德 辛丑以池深守司空 九月丁丑幸南京 太白晝見經天二日 甲午至自南京赦 乙未慮囚 築毬場于北園 冬十月癸卯朔設仁王經道場於明仁殿以禳天災 丙午閱兵于東郊 庚午郎舍伏閣言事三日 十一月丙子遣曹晉若如金謝宣諭 丙戌設八關會幸法王寺 丁亥遣庾祿公如金賀正 己丑遣耶律羅

高麗史卷十七  
松來賀生辰 壬辰遣韓縝如金進方物  
乙未宴金使於大觀殿 遣林景猷賀龍興  
節 丙申御康安殿命內侍祗候以下擊毬  
十二月己酉親醮十一曜於內殿 辛亥  
以金永寬判吏部事高兆基判兵部事 乙  
卯慮囚 親醮天曹於內殿 癸亥慮囚  
戊辰以金永寬監修國史知西京留守事崔  
惟清為中書侍郎平章事文公元叅知政事  
庾弼知樞密院事崔誠為兵部尚書崔子英

辛

為左散騎常侍同知樞密院事李彥林為工  
部尚書金子儀為右散騎常侍 壬申設除  
夜道場於大觀殿  
五年春正月癸酉朔放朝賀 丙戌燃燈王  
如奉恩寺 丙申親醮二十七位神於內殿  
二月戊申門下侍中致仕金富軾卒 辛  
未王如靈通寺 三月戊寅以權正鈞為兵  
部尚書高兆基為中軍兵馬判事兼西北面  
兵馬判事 己丑幸妙通寺 壬辰慮囚

樞密院知奏事鄭襲明卒 夏四月壬寅朔  
叅知政事致仕陳淑卒 輟朝三日 甲辰御  
明仁殿視朝謂諫臣曰自今欲每日視朝凡  
庭諍之事姑且除之故諫臣無庭諍者 丙  
午雨雹 巳酉王以沈香木命工刻成觀音  
像置內殿仍飯僧 丙辰以崔惟清判兵部  
事文公元判刑部事庾弼知門下省事崔誠  
知樞密院事文公裕爲禮部尚書金端爲戶  
部尚書安正修試刑部尚書 戊辰少府少

監韓令臣嘗爲典解庫判官以私麤布潛換  
官布三十匹收職田放還田里 癸酉平章  
事致仕李仲卒 輟朝三日 乙亥以旱禱雨  
于名山大川及諸神祠 設佛頂道場於修  
文殿七日 丙戌封第三妹爲昌樂宮主第  
四妹爲永和宮主 丁亥封王妃王氏爲興  
德宮主 五月乙巳親醮南斗于內殿 丁  
未左諫議王軾等上疏論鄭敘等罪 巳酉  
親醮太一於內殿 辛亥設消災道場於宣

慶殿五日 丙辰召諫官於殿門慰諭之特  
引諫議王軾入便殿賜酒宴語從容 甲子  
臺諫伏閣言事 丁卯以金永寬守司徒判  
國子監事文公元為中書侍郎平章事判吏  
部事庚弼叅知政事判兵部事金永錫為政  
堂文學崔子英知門下省事崔誠判三司事  
崔允儀為御史大夫同知樞密院事任克忠  
為樞密院副使劉碩為樞密院知奏事梁元  
俊為左承宣文公裕為禮部尚書 六月庚

午朔王如奉恩寺 壬申命寶文閣學士待  
制及翰林學士日會精義堂校冊府元龜  
丙子慮囚 壬午金橫賜使少府少監蕭忠  
來 甲申王受菩薩戒於修文殿 乙酉夜  
召入內侍李陽允史官李仁榮等十三人於  
奉元殿庭賜坐給紙筆王占韻令賦石榴花  
七言四韻詩限以燭刻李陽允等七人中格  
臨軒賜酒翼日又賜酒果於翰林院仍賜絲  
絹有差 己丑宴金使於大觀殿 癸巳慮

因 甲午王走筆賦禱雨詩宣示諸學士  
丁酉以旱禁扇 秋七月庚子詔今年累月  
不雨禾穀不登內外人民將至飢困大可憂  
也塗有餓殍而不知發豈爲政之道乎都兵  
馬使與宰樞其熟議救恤之方使吾赤子毋  
或飢餓 辛丑以李軾爲尚書左僕射叅知  
政事尋卒 壬寅設龍王道場於貞州船上  
禱雨七日 甲辰詔文班四品以上武班三  
品以上設五百羅漢齋于普濟寺禱雨 乙

巳醮七十二星於內殿 丙午宋都綱立通  
等四十一人來 丁未雨 設消灾道場於  
修文殿三日 丙辰以庾弼爲寶文閣提舉  
金存中爲同提舉 乙丑幸外帝釋院 宋  
都綱立迪等三十五人徐德英等六十七人  
來 八月壬申宋都綱陳誠等九十七人來  
癸酉林大有等九十九人來 丙子諫官  
及侍御史金諒等伏閣言事三日不報 癸  
未省宰皆乞罪不視事召文公元庾弼金永



錫崔子英及諫官金子儀王執朴倫李元膺  
李陽伸尹鱗瞻臺官崔允儀金謗閔慤韓靖  
慰諭視事皆不奉詔夜二鼓乃退 乙酉醮  
三界於內殿 丙戌省宰及臺諫被召詣闕  
待命皆不報省宰及御史大夫先退王引騎  
士於後庭伐鼓擊毬正言李知深伏閣力爭  
二日 丁亥王遊北園命騎士擊毬 庚寅  
召省宰謂曰已從臺諫所奏矣然只黜鄭誠  
耳 甲午以崔允淑爲西北面兵馬使劉邦

支爲東北面兵馬使 九月乙巳醮三清於  
內殿 丙午謁景靈殿 戊申慮囚 甲子  
幸妙通寺 冬十月戊辰御康安殿閱國馬  
壬申設百座會於宣慶殿飯僧毬庭三日  
乙酉親裕于大廟 錄囚 十一月己亥  
遣宋瓌如金謝賀生辰 癸卯遣趙端臣謝  
橫賜 戊申遣吳日就賀正 庚戌設八關  
會幸法王寺 癸丑遣蕭子敏來賀生辰  
遣徐淳如金進方物 戊午宴金使於大

觀殿 己未遣崔應清賀龍興節 十二月  
壬午慮囚 戊子以文公元守司空庾弼爲  
中書侍郎平章事任克忠同知樞密院事王  
執爲御史大夫同知樞密院事李彥林爲尚  
書右僕射金澤試刑部尚書安正修試工部  
尚書李之茂知御史臺事  
六年春正月丁酉朔放朝賀 辛亥燃燈王  
如奉恩寺 癸丑御康安殿觀絲棚伶官兩  
部樂以前夕已經燃燈大會皆已徹去王

申壬

命復之樂觀忘倦至日午乃罷 戊午幸神  
衆院 二月庚午親設齋于外帝釋院 乙  
未王如靈通寺遂幸興聖寺 三月丙申朔  
地震 庚子諫官伏閣言事三日不報 壬  
寅作佛事于明仁殿王行香 丙午放輕繫  
戊申醮于內殿 乙卯宴于賞春亭使伶  
官交奏雜戲 壬戌詔曰旱魃爲虐朕甚懼  
焉將博採忠言勵精求理以召和氣於是臺  
諫各上封事指陳時政得失 夏四月乙丑

朔醮太一於內殿 丙寅地震 丁卯宴萬壽亭至曉乃罷 壬申醮北斗於內殿 丁丑夜宴于賞春亭 己卯禱雨于山川及諸神祠 醮三界於內殿太一於福源宮 庚辰以文公元為西京留守使庾弼修國史金永錫崔子英檢校司徒崔允儀為修文殿學士文公裕為刑部尚書金子儀為禮部尚書金澤為工部尚書 辛巳諫官伏閣諫擊毬不聽諫官遂留宿翰林院王賜酒慰諭乃曰

所言至切何敢不從翌日悉出群馬命日官塞北門 丙戌禱雨于山川及諸神祠 庚寅賜金儀等及第 丙申夜宦者給事李鈞自投東池死王痛惜泣下 五月壬寅御大觀殿親試賜劉羲等及第 甲辰移御安和寺 六月甲子朔王如奉恩寺 辛未放輕繫 戊寅王受菩薩戒 己卯親醮太一于內殿 庚辰饗飢饉疾疫人於開國寺 癸未幸妙通寺設摩利支天道場是日還壽昌

宮醮七十二星於明仁殿又醮天皇大帝太  
一及十六神以禳疾疫 秋七月甲午朔禱  
雨于山川及諸神祠 醮三界於內殿 甲  
寅宋都綱許序等四十九人來 乙卯臺諫  
伏閣論諫乃黜內侍十四人茶房五人 丙  
辰宋都綱黃鵬等九十一人來 八月丙寅  
刑部奏重刑王與大臣審覆斷之 己巳宋  
都綱寥悌等七十七人來 庚午醮三界於  
新闕 丁亥設消灾道場於大觀殿五日

九月壬辰朔設金剛經道場於大觀殿 戊  
戌百官詣萬寶殿賀太后坤寧節 庚子御  
東池選善射御者觀射終月 辛丑放輕繫  
丙辰幸外帝釋院設羅漢齋 冬十月癸  
亥幸妙通寺 十一月戊戌遣柳公材如金  
謝賀生辰 庚子遣朴彥樞賀正 甲辰設  
八關會幸法王寺 金遣完顏持正來賀生  
辰 遣李惇如金進方物 壬子宴金使於  
大觀殿 乙卯遣閔慤如金賀龍興節 十

二月丙寅以庾弼爲太子太師崔允儀爲太  
傅 丁卯平章事致仕崔灌卒輟朝三日  
辛未放輕囚 乙亥夜王觀百戲于內殿  
丙戌以文公元庾弼爲門下侍郎同平章事  
金永錫爲中書侍郎平章事崔子英叅知政  
事崔誠爲樞密院使崔允儀知樞密院事任  
克忠爲翰林學士金子儀爲禮部尚書文公  
裕爲兵部尚書金澤爲刑部尚書吳仁廣試  
工部尚書金貽永知都省事

世家卷第十七

世家卷第十八

高麗史十八

正憲大夫曹判書集賢殿提學知經筵春秋館事兼成均大司成臣鄭麟趾奉

教修

毅宗二

七年春正月辛卯朔放朝賀 癸卯賜元子

名泓後改稱祈 甲辰燃燈王如奉恩寺

乙卯出御長源亭 二月辛未以于邦宰為

刑部尚書 癸未還壽昌宮 己丑王如靈

通寺 三月乙未幸普濟寺設五百羅漢齋

酉癸

辛亥幸興聖寺 夏四月己卯冊子泓爲  
王太子赦加内外文武兩班散職兼賜田柴  
丁亥宴群臣於大觀殿 六月己未朔王  
如奉恩寺 庚申穆清殿灾 癸酉王受菩  
薩戒 甲申移御安和寺 金告改天德五  
年爲貞元元年 秋七月丙申還新闕 壬  
寅設孟蘭盆齋於奉元殿 八月丙寅御宣  
仁殿論決重刑 甲戌出御長源亭 賜郭  
元等及第 冬十月辛酉御史臺伏閣論事

丁卯王還宮 十一月己亥設八關會幸  
法王寺 庚子耽羅縣徒上仁勇副尉中連  
珍直等十二人來獻方物 壬寅金遣少府  
監阿勒根彥忠來賀生辰 是月遣起居舍  
人崔婁伯如金賀龍興節禮部貢外郎尹鱗  
瞻謝賀生辰御史雜端李陽伸進方物禮部  
貢外郎朴儒賀正  
八年春正月丙寅以崔子英判兵部事金永  
錫爲尚書左僕射判工部事 丁卯燃燈王

甲戌

如奉恩寺 乙亥冊王第收爲平涼侯 丙  
子出御長源亭 己卯御慶豐殿召扈從文  
臣命賦青郊驛獻青牛詩直翰林院金孝純  
等十四人合格賜物有差并賜酒果 壬午  
召知門下省事崔允儀樞密院使任克忠曲  
宴于陽和樓夜艾而罷 二月辛亥以仁宗  
忌日飯僧于內殿 癸丑幸敬天寺 三月  
丙辰召崔允儀任克忠金存中等六人曲宴  
于陽和樓 戊午幸國清寺 庚午還宮

夏四月丙申親禱于大廟赦 五月癸丑朔  
日食 出御長源亭 叅知政事致仕尹誦  
卒 閱兵于東郊 賜皇甫倬等及第 六  
月戊戌金遣大府少監梁彬來賜羊二千頭  
秋九月創西京重興寺 冬十月庚辰朔  
饗老人又飯僧三萬 是月開蘇祿縣河渠  
未卒其功 十一月丙寅金遣大府監李珪  
來賀生辰 是月遣金承寧如金進方物奉  
說謝賀生辰金仁慙謝橫賜



九年春正月辛亥以大府卿崔褒併為西北  
 面兵馬使試刑部侍郎許純為東北面兵馬  
 副使 己未飯僧于奉元殿 壬戌燃燈王  
 如奉恩寺 乙亥出御長源亭 二月丁亥  
 給事中閔慤左司諫朴得齡等伏閣論事不  
 報 乙巳飯僧于內殿 丁未出御敬天寺  
 三月壬戌還宮 庚午出御長源亭 癸  
 酉以崔子英權判尚書吏部事崔允儀權判  
 尚書兵部事 乙亥出御國清寺 夏四月

庚子還宮 五月丁未朔日食 辛亥端午  
 謁景靈殿 庚午以崔子英判吏部事西京  
 留守事 甲戌以梁元俊知門下省事任克  
 忠為樞密院使翰林學士承旨太子賓客  
 六月丁丑朔王如奉恩寺 辛卯王受菩薩  
 戒於修文殿 乙未以崔子英為西北面兵  
 馬判事兼判中軍兵馬事崔允儀為東北面  
 兵馬判事兼判中軍兵馬事文公裕副之  
 秋八月丙子朔出御長源亭 宋明州歸我

漂風人知里先等五人 辛卯幸國清寺  
丙午召平章事崔子英知門下省事梁元俊  
起居舍人崔婁伯左司諫朴得齡左正言許  
洪材右正言崔祐甫訪問國政 冬十一月  
戊子設八關會幸法王寺 癸巳金遣使來  
賀生辰 是月遣右司貧外郎金純如金賀  
龍興節刑部貧外郎金溫中謝賀生辰戶部  
郎中崔子龍賀正左司諫朴得齡進方物  
十二月削司空璋爵 戊申宴金使於大觀

殿 宋歸我漂風人三十餘口 門下侍郎  
平章事庾弼卒

十年春正月癸卯朔放朝賀 丙辰燃燈王  
如奉恩寺 三月壬寅朔幸國清寺 壬子  
置祈福道場于內殿 是月以左承宣金存  
中爲太子少保 夏四月甲午王如興王寺  
轉華嚴經初王無嗣與妃金氏誓若生子當  
成金銀字華嚴經四部及元子生寫成二部  
修興王寺弘教院藏之改額弘真大設法會

以落之 丙申還宮赦大辟以下凡從事法  
會者皆職賞 五月辛亥雨雹 六月辛卯  
賜黃文莊等及第 秋七月丙寅彗見東方  
八月丁丑以彗星未滅赦二罪以下流者  
量移 甲午遣尚書韓縉如金賀上尊號  
九月乙巳御史臺吏脫內官禁服王怒囚其  
吏 丁未定安公任元厚卒 冬十月乙亥  
設藏經道場于宣慶殿 壬午飯僧五百于  
內殿 召平章事崔允儀李之茂知樞密院

事申淑右承宣李元膺右副承宣金貽永國  
子監大司成金永胤寶文閣學士金永夫知  
閣門事崔溫給事中崔應清內侍殿中監崔  
褒偁御史雜端金湯等入穆清殿周覽善救  
寶養性亭及御苑花卉賜曲宴于冲虛閣初  
王於大內東北隅起一閣扁曰冲虛金碧鮮  
明又於內閣別室居善藥意欲廣治衆病扁  
曰善救寶又構亭其側聚恠石名花扁曰養  
性 閏月壬寅以平章事李之茂爲太子太

丁

保以代金存中 是月金改貞元四年為正  
隆元年避世祖諱以豐字代隆字行之 十  
一月壬午設八關會幸法王寺 乙酉金遣  
定遠將軍耶律遵禮來 辛卯宴金使於大  
觀殿 十二月丙午慮囚 乙丑以東北面  
兵馬副使李公升為樞密院左副承宣  
十一年春正月戊辰朔放朝賀 庚辰御睦  
親殿召拯世僧統玄曦等二百餘僧設齋祈  
福 癸未召翼陽侯及宰臣崔允儀李之茂

等置酒便殿至翼日午時乃罷 乙酉出御  
長源亭 辛卯王如國清寺遂幸敬天寺有  
司以行在所狹隘請去史官王曰史官記予  
言動不可暫離 二月己亥中書侍郎平章  
事致仕高兆基卒 戊申王還宮 流第大  
寧侯暉于天安府 癸丑出御敬天寺 丁  
巳彭夢齡等八人群聚賭博並流南州 三  
月壬申移御長源亭 是夜尚乘局灾延及  
御輦 庚辰移御天壽寺 癸未流禮賓卿

李仲齊及家屬于南島仲齊妻李氏尚書福  
林之女性惡嘗語僕有不臣語僕妻素怨李  
遂狀訴于宦寺以聞王怒命近臣面縛李氏  
以來闔家流竄自是讒言交構王多疑群臣  
夏四月丙申朔闕東離宮成宮曰壽德殿  
曰天寧又以侍中王冲第爲安昌宮前叅政  
金正純第爲靜和宮平章事庾弼第爲連昌  
宮樞密院副使金巨公第爲瑞豐宮又毀民  
家五十餘區作大平亭命太子書額旁植名

花異果奇麗珍玩之物布列左右亭南鑿池  
作觀瀾亭其北構養怡亭蓋以青瓷南構養  
和亭蓋以椽又磨玉石築歡喜羨成二臺聚  
恠石作仙山引遠水爲飛泉窮極侈麗群小  
逢迎民間珍異之物輒稱密旨無問遠近爭  
取馱載絡繹於道民甚苦之 戊戌命宰樞  
臺諫侍臣等遊覽壽德宮因賜酒食 庚子  
王入御壽德宮 壬寅御觀瀾亭曲赦二罪  
以下復鄭誠職凡預營繕者皆賞之 癸卯

幸普濟寺遂移御天壽寺 乙巳王以真絲  
四百斤買平章事文公元第爲巡御所 甲  
寅王還宮 甲子榮儀奏曰來歲國有災宜  
修古寺以禳之王率百官幸海安寺相風水  
五月壬申御密殿召見平章事崔允儀右  
承宣李元膺等賜犀紅鞵帶各一腰是夜王  
率內豎令人巡宴林亭至曉不輟 癸酉夜  
亦如之 丙子以朴純冲爲樞密院副使  
王聞東海中有羽陵島地廣土肥舊有州縣

可以居民遣溟州道監倉殿中內給事金柔  
立往視柔立回奏土多巖石民不可居遂寢  
其議 甲申幸觀靜寺相風水遂如國清寺  
乙酉移御安和寺 六月戊申金橫宣使  
大府卿張喆來 辛亥至自安和寺 戊午  
宴金使于大觀殿 秋七月戊子宋商獻鸚  
鵡孔雀異花 八月己亥王還壽德宮 乙  
卯幸揔持寺召住持懷正遊賞林亭留題祈  
福詩二絕宣視宰樞侍臣扈從百官軍卒露

宿林壑頗多愁嘆懷正唯以呪噤得幸恩寵無比凡僧徒求職賞者皆趨附賄賂貪鄙無厭 辛酉王欲置離宮於金吾衛堤上里平章事崔允儀切諫乃止 壬戌出御長源亭 九月癸亥朔命內侍朴允恭增營壽德宮 辛未移御天壽寺 翼日移御興王寺 冬十月癸巳朔還移天壽寺 壬寅以大府寺油蜜告匱徵歛諸寺院以克齋醮之費 乙卯幸外帝釋院 丁巳飯僧三萬于毬庭

三日 十一月癸亥朔王還宮 遣工部郎中李光縉如金謝賀生辰刑部員外郎朴育和謝橫賜刑部員外郎金敦中賀正禮賓少卿崔令儀進方物工部員外郎金嘉會賀龍興節 丁丑設八關會是夜召平章事崔允儀李之茂承宣李元膺崔寔偁等遊賞林亭賜曲宴 己卯金遣少府監完顏德壽來賀生辰 癸未冊長女爲敬德宮主第二女爲安貞宮主第三女爲順和宮主是夜召宰樞

寅

近臣曲宴于天寧殿 甲申出御普濟寺  
 戊子還宮 辛卯宴金使于大觀殿 十二  
 月癸丑詔以鄭誠私第為慶明宮陰陽家以  
 為大舉頭吠主之勢不宜臨御不從 戊午  
 以李之茂監修國史崔誠為政堂文學金永  
 夫知樞密院事太子賓客任克忠守司空  
 庚申移御慶明宮  
 十二年春正月甲戌還宮 二月乙未出御  
 興王寺庚子移御天壽寺 戊午王還宮

已未以仁宗忌日飯僧於大平亭時王好作  
 佛事繼徒盈溢宮庭怙恃恩寵附託宦官侵  
 擾百姓競造寺塔為害日甚 庚申王如靈  
 通寺 三月辛酉朔日食 丁卯降死罪流  
 以下原之又赦西京叛逆克為奴婢者 壬  
 申幸壽德宮宴宰樞臺閣侍臣于大平亭仍  
 許遊賞御苑花木 壬午大酺國內老人  
 夏四月乙巳命平章事崔允儀知門下省事  
 申淑同知樞密院事金永夫醮于賞春亭禱



寅戊

近臣曲宴于天寧殿 甲申出御普濟寺  
 戊子還宮 辛卯宴金使于大觀殿 十二  
 月癸丑詔以鄭誠私第為慶明宮陰陽家以  
 為犬舉頭吠主之勢不宜臨御不從 戊午  
 以李之茂監修國史崔誠為政堂文學金永  
 夫知樞密院事太子賓客任克忠守司空  
 庚申移御慶明宮  
 十二年春正月甲戌還宮 二月乙未出御  
 興王寺庚子移御天壽寺 戊午王還宮

已未以仁宗忌日飯僧於大平亭時王好作  
 佛事緇徒盈溢宮庭怙恃恩寵附託宦官侵  
 擾百姓競造寺塔為害日甚 庚申王如靈  
 通寺 三月辛酉朔日食 丁卯降死罪流  
 以下原之又赦西京叛逆克為奴婢者 壬  
 申幸壽德宮宴宰樞臺閣侍臣于大平亭仍  
 許遊賞御苑花木 壬午大酺國內老人  
 夏四月乙巳命平章事崔允儀知門下省事  
 申淑同知樞密院事金永夫醮于賞春亭禱

雨 戊申再雩 五月乙丑幸安和寺賦石  
并詩令宰相詞臣和進 丙寅大雨雹 巳  
巳白虹貫日 辛巳賜金正明等及第 戊  
申移御安和寺 秋七月巳未太白晝見  
辛酉亦如之 甲申王還宮 八月庚子尚  
書刑部奏決重刑 乙巳以朴純冲知門下  
省事 丙午出御天壽寺癸丑移御安和寺  
甲寅太史監候劉元度奏白州兔山半月  
岡實我國重興之地若營宮闕七年之內可

吞北虜於是遣平章事崔允儀等相風水還  
奏曰山朝水順可營宮闕王然之 九月巳  
未王還宮 庚申遣崔允儀知奏事李元膺  
內侍朴懷俊等創別宮于白州懷俊性苛刻  
徵丁夫于西海道日夜催督不日告成賜闕  
名重興殿額大化術者私語曰此道詵所謂  
庚方客虎舉頭掩來之勢創闕於此恐有危  
亡之患 癸酉王如國清寺 冬十月丁酉  
曲宴于安平齋召左承宣李公升獻壽公升

賦詩以進 乙卯幸白州丙辰入御重興闕  
丁巳受賀于大化殿是日天地昏黑大風  
拔木王頗疑之多方祈禳 戊午宴群臣于  
大化殿 十一月癸亥還宮赦 甲子門下  
侍郎平章事致仕梁元俊卒 庚午設八關  
會幸法王寺 癸酉金遣高存福來賀生辰  
癸未宴金使 萬寶殿灾 十二月己丑  
以朴純冲權判吏部事 癸巳富閏縣人奉  
街弒其父及繼母并殺家僮皆投竈火而逃

卯巳

乙未幸天壽寺

十三年春正月丙辰日暈有珥色青赤白人  
皆謂三日並出 壬戌移御壽德宮 己巳  
燃燈王如奉恩寺 二月壬寅王如安和寺  
丙午幸大安寺國子生李良平道謁上疏  
論事 丁未王率百官飯僧御製詩一絕令  
詞臣和進遂幸普濟寺 庚戌移御金存中  
第 辛亥還宮 乙卯王如靈通寺 三月  
丁巳門下侍中王冲卒謚剛烈 乙丑王還

宮 戊辰設消災道場於宣慶殿七日 乙亥幸玄化寺東西兩院僧各設茶亭迎駕競尚華侈 丙子遊覽東西兩院飯僧 夏四月庚寅大雨雹 甲辰移御霍井洞平章事崔溱第 庚戌還宮 六月甲申朔王如奉恩寺 戊申如安和寺 閏月己未還宮 秋七月癸未王如安和寺乙未還宮 八月丁巳王如國清寺戊辰還宮 庚辰如興王寺 九月乙酉王如國清寺 丙申出御天

壽寺 己亥還御楊堤洞平章事文公元第 冬十月甲寅出御興王寺壬戌還宮 十一月辛巳朔賜宰樞郎舍酒果 甲午設八關會幸法王寺 乙未地震聲如雷 丁酉金遣安遠大將軍完顏德溫來賀生辰己亥宴于壽昌宮 辛普濟寺 戊申幸興國寺 十二月甲寅幸普濟寺 壬戌移御司空尹彥植第 癸亥移御楊堤洞宅 己巳幸普濟寺 乙亥出御興國寺

辰庚

十四年春正月庚辰朔王在興國寺受中外朝賀壬辰還宮 乙未燃燈王如奉恩寺 丁酉辛普濟寺 己亥日中有恠氣三日 辛丑出御興王寺 甲辰龍虎軍卒張彥弒其母斬首梟市三日 二月庚戌朔王還宮 乙丑出御興王寺 三月壬午移御長源亭 丙戌御西樓閱諸將鞍馬 己丑移御興王寺道見一老嫗賜布及酒 丁酉還宮 召兩府宰樞侍臣許賞御苑花草及珍禽奇

獸仍賜酒果 夏四月壬子以樞密院副使李元膺叅知政事是日卒 戊午王如玄化寺 辛酉遂幸法泉寺 五月乙未賜崔孝著等及第 戊戌再雩 六月庚申金遣耶律琳來 秋七月戊寅宴金使 癸未叅知政事致仕申淑卒 己丑中書侍郎平章事崔誠卒 乙未移御慶龍齋 八月丙午朔日食 丁未出御興王寺 乙丑還宮 戊辰設消灾道場於宣慶殿六日 癸酉日中有

黑子 王密使嬖人白子端李榮搜取故郎  
中李之中玩物置諸霍井洞離宮 九月戊  
寅王如興王寺 甲申幸新成藏堂後苑置  
酒賞菊 乙酉詣母后殿起居 冬十月庚  
戌幸景福寺 丙辰遂幸普賢寺飯僧命造  
銀瓶十口重三十斤各盛五香五藥納于寺  
己未御普賢院樓賜丐者布人一匹絛二  
兩 庚申又御寺樓親賜行旅飯羹 辛酉  
亦如之壬戌還宮遂幸慶龍齋 乙丑飯僧

巳辛

三萬于毬庭三日 壬申出御興王寺 十  
一月丁丑還宮 辛卯金遣高通來賀生辰  
乙未宴金使於大觀殿  
十五年夏四月癸卯朔出御長源亭 乙卯  
移御玄化寺 戊辰移御歸法寺 五月癸  
酉朔還宮 甲申雨雹 甲午以崔惟清爲  
奉先殿大學士 乙未出御玄化寺 丁酉  
雨王製喜雨詩以示儒臣 六月癸卯王如  
奉恩寺 癸丑再雪 秋七月壬申朔還宮

庚寅赦 八月壬寅出御長源亭丁未還宮 癸丑出御興王寺壬戌還宮 丁卯出御天和寺 九月丁丑移御長源亭 丁亥移御天和寺 冬十月壬寅移御玄化寺 丙午感陰縣人子和義章等誣告鄭敘妻任氏與縣吏仁梁呪詛上及大臣王命閣門祗候林文賁按問乃子和與仁梁有隙欲陷之也於是授子和義章于江 十一月甲戌太白晝見經天 西北面馳報金主被弒 戊

比北方

午子

寅王還宮 壬午御毬庭觀樂甲申亦如之 辛卯出御興王寺 十二月庚子移御玄化寺 辛亥移御興王寺 己未王還百順宮 乙丑以金永夫知門下省事金巨公為吏部尚書崔褒偁為樞密院副使崔惟清為中書侍郎平章事致仕李公升知尚書吏部事曹晉若知御史臺事李德壽為翰林學士 十六年春正月戊辰朔日食 辛巳燃燈王如奉恩寺 辛卯出御興王寺 二月庚戌

高麗史卷十八

十一

移御天壽寺 辛亥御經筵講論經義 丁卯王如靈通寺 閏月甲戌移御興王寺 已丑移御天壽寺 三月丙午移御長源亭 戊午還宮 宋都綱侯林等四十三人來明州牒報云宋朝與金舉兵相戰至今年春大捷獲金帝完顏亮圖形敘罪布告中外御製書圖上曰金虜曰亮獨夫自大弑君殺母叛盟犯塞殘虐兩國屢遷必敗皇天降罰爲夷狄戒蓋宋人欲示威我朝未必盡如其言

已未以金巨公知樞密院事判三司事崔裒偁同知樞密院事曹晉若爲樞密院副使兼太子賓客李公升爲翰林學士金諤爲右承宣 丙寅諫官伏閣上疏請罷別宮貢獻不聽王酷信陰陽秘祝之說每於行在集僧道數百餘人常設齋醮糜費不貲幣藏虛竭又多取私第爲別宮誅求貨財名曰別貢使宦者監領夤緣營私時旱荒疫癘中外道殣相望 夏四月甲戌出御玄化寺辛巳還宮



甲申以久旱再雩下詔曰朕臨政願理思  
與群臣同心合德日聞忠言施於有政上荅  
天心下副民望其文武四品以上各言時政  
得失民間利害以備採擇 己丑出御興王  
寺 五月丁酉朔賜李繼元等及第 己亥  
移御安和寺 丁巳宣旨人君之德在於好  
生惡殺勤恤民隱近者囹圄不空民多疫癘  
朕甚憫焉其赦殊死以下蠲諸道郡縣逋租  
發倉廩以賑貧窮失所者兼舉清白守節者

己未官婢善花與一孕婦爭斗粟殺之善  
花子爲官寺請托法司免刑待赦直送原州  
有司駁奏移配紫燕島是月風旱爲甚人以  
爲孕婦冤氣所感 六月丁卯王如奉恩寺  
辛未宋都綱鄧成等四十七人來 癸未  
京城有賊三十餘人夜至永平門擊走門卒  
斬關而出 丁亥王還宮 庚寅宋都綱徐  
德榮等八十九人吳世金等一百四十二人  
來 癸巳移御安和寺 秋七月壬寅王還

宮 庚申宋都綱河富等四十三人來 辛酉中書侍郎平章事致仕朴純冲卒純冲由胥吏入內侍歷敷中外遂登宰輔以勤儉自持 八月乙丑朔出御長源亭乙亥王還宮 庚辰出御天壽寺 壬辰門下侍郎平章事崔允儀卒 九月甲午朔移御長源亭 己亥移御興王寺 辛丑王之嬖倖挾媚道密置畫雞於御床褥中事覺誣告注簿同正金義輔與內侍尹至元通謀祝詛斬義輔流

至元於無人島 癸丑移御天壽寺 冬十月戊寅移御興王寺 十一月癸巳朔還宮 壬寅王太子加元服 癸卯以右承宣李聃知御史臺事 丙午設八關會幸法王寺 戊申金遣大府監完顏興來告即位 壬戌出御天壽寺 十二月癸亥朔太白經天 四日 丙寅王還宮自是屢微行 庚午出御興王寺 乙亥還仁智齋 壬午王還宮 己丑以李之茂判尚書吏部事金永夫叅

知政事判尚書兵部事金巨公知門下省事  
戶部尚書任克忠判尚書刑部事崔褒偁知  
樞密院事判三司事曹晉若同知樞密院事  
金永胤爲樞密院副使 辛卯王御仁智齋  
親製春帖字云蕩蕩春光好欣欣物意新將  
修仁知德今得萬年春又云夢裏明闡真吉  
地扶蘇山下別神仙迎新納慶今朝日萬福  
攸同瑞氣連王酷信術士改慶龍齋爲仁智  
開廣增飾日與嬖倖沈酣遊戲不恤國政諫

癸未

官或請毀之王輒稱夢報以拒之故有是詩  
自是諫者乃止 是月遣金永胤金淳夫如  
金賀登極又遣金居實謝宣諭登極  
十七年春正月己亥幸仁智齋 壬寅以尚  
書左丞徐淳知西北面兵馬事翰林侍讀學  
士崔祐甫爲東北面兵馬副使 乙巳燃燈  
王如奉恩寺 二月丁卯出御普濟寺壬申  
還宮 乙亥幸天壽洪圓二寺沈醉留宿從  
官衛士皆不得食 丁丑出御玄化寺 乙

酉移御天壽寺 辛卯如靈通寺遂御玄化  
寺 三月丁酉移御興王寺 庚子以東面  
都監判官孫應時廬墓三年詔旌表門閭  
癸卯移御洪圓寺夏四月壬戌還宮 癸酉  
移御館北宮 乙亥親禱大廟赦殊死以下  
陞百官爵一級其執事正郎以上官各許一  
子蔭職 丙子移御仁智齋五月丁酉還宮  
壬子知門下省事金巨公卒 丙辰以王  
璞守司徒咸寧伯 六月庚申朔日食 甲

子王微行移御安和寺丁丑還宮 金橫賜  
使少府監韓綱來 秋七月辛卯宴金使于  
大內 乙未出御玄化寺 乙巳宋都綱徐  
德榮等來獻孔雀及珍翫之物德榮又以宋  
帝密旨獻金銀合二副盛以沉香 甲寅移  
御天壽寺 以衛尉卿李陽實知西北面兵  
馬事給事中朴育和爲東北面兵馬副使有  
司劾陽實不合藩鎮以徐淳仍之 八月壬  
戌王還宮 癸亥出御玄化寺 甲申移御

天壽寺 九月戊戌移御玄化寺 冬十月  
戊午朔賜李純佑等及第 丙寅地震 壬  
申移御仁智齋 戊寅移御館北宮甲申王  
還宮設百座會令內外飯僧三萬 十一月  
庚子設八關會幸法王寺 壬寅金遣大府  
監耶律章來賀生辰 十二月庚申移御興  
國寺 丙寅移御仁智齋 癸酉星隕聲如  
雷 戊寅出御興王寺 癸未移御天壽寺  
丙戌以崔褻僱知門下省事金永胤同知

甲甲

樞密院事判三司事徐恭為樞密院副使  
十八年春正月辛卯王還宮 庚子燃燈王  
如奉恩寺 白虹貫日 二月乙丑王微行  
移御安和寺 癸酉移御興王寺 丁丑移  
御興國寺 庚辰移御館北宮 壬午移御  
興國寺三月辛卯還宮 辛丑出御玄化寺  
壬寅遣借內殿崇班趙冬曦借右侍禁朴  
光通如宋獻鍮銅器報徐德榮之來也 丙  
午將移御仁智齋法泉寺住持覺倪睿宗宮

人之子備酒饌迎駕於獺嶺院王吟賞風月  
與諸學士唱和未巳王被酒徑入歸法寺日  
已暮侍從失王所之夜半乃還 夏四月丁  
巳移御玄化寺丙寅王還宮 巳卯親禘大  
廟赦 五月丙戌移御興國寺 丁酉移御  
仁智齋 戊戌移御館北宮丙午還宮召崔  
褒偁李聃宴于修文殿又宴于賞春亭酣飲  
達曙 庚戌出御天壽寺 六月甲寅朔日  
食太史不奏 以金永夫爲中書侍郎同平

章事崔褒偁爲尚書左僕射叅知政事金永  
胤知樞密院事 巳未移御仁智齋癸未還  
宮 秋七月壬辰詔曰民惟邦本本固邦寧  
比因公私土木之役民不聊生而况今官寺  
等營造屋舍競爲奢麗有司其悉禁斷 甲  
午移御安和寺丁未還宮 八月辛酉王微  
行移御安和寺 庚辰移御景福寺 辛巳  
盜竊大廟祭器 九月丁亥移御玄化寺  
乙未移御志和齋觀擊毬 守司空梓卒

冬十月癸丑朔賜金元禮等及第 丁巳太白晝見 丁卯移御景福寺 十一月庚寅移御館北宮 甲午設八關會幸法王寺 白虹圍日南西北各有珥如日相貫 丁酉移御清州洞宮 金遣大府監烏骨論守貞來賀生辰 庚子移御守司空任克忠第 丙午移御館北宮 閏月戊午移御任克忠第 甲子移御景福寺 乙亥移御淨業院 戊寅還宮 遣金莊如金謝賀生辰 十

酉乙

二月丁亥移御館北宮 庚子出御景福寺 壬寅以崔褱僉判兵部事太子太傅金永胤爲吏部尚書樞密院使徐恭爲兵部尚書同知樞密院事任克忠爲太子太保 十九年春正月辛亥朔王還宮 庚申出御玄化寺辛酉還宮設無遮大會 乙丑燃燈王如奉恩寺 庚午出御玄化寺癸酉還宮 丙子出御甌山寺右正言趙文貴諫不聽 丁丑移御普賢院 戊寅幸慈孝寺二月

辛巳還宮 乙酉出御敬天寺 丙戌移御  
興天寺 戊子還御敬天寺 己丑還宮 乙  
未出御洪圓寺 丁酉移御天和寺 庚子  
以蔡仁爲鷹揚軍上將軍攝兵部尚書克東  
宮侍衛姜文俊爲殿中監興威衛攝上將軍  
太子右清道率府率鄭元寧爲龍虎軍大將  
軍兼太子右監門率府率梁淑爲大府卿神  
虎衛大將軍兼太子右衛率府率 甲辰移  
御洪圓寺 丙午移御天和寺 三月庚戌

朔移御景福寺 辛亥金大夫營主遣銳卒  
七十餘人攻麟靜二州境內之島執防守靜  
州別將元尚等十六人以歸 己未移御洪  
圓寺 辛酉移御普賢院天寒雨甚衛卒凍  
死者九人 戊辰還御洪圓寺 庚午移御  
敬天寺 辛未移御仁濟院 夏四月庚辰  
幸觀瀾寺 壬午還御仁濟院 甲申內侍  
左右番爭獻珍玩時右番多紉袴子弟因宦  
者以聖旨多索公私珍玩書畫等物又結綵



高麗史卷十八 二十六  
棚載以雜伎作異國人貢獻之狀獻青紅蓋  
二柄駿馬二匹左番皆儒士不慣雜戲其所  
貢獻百不當一恥不及借人駿馬五匹以獻  
王皆納之賜左番白銀十斤丹絲六十五斤  
右番白銀十斤丹絲九十五斤其後左番不  
能償馬之直日被徵債時人笑之 乙酉移  
御景福寺 戊子移御奉靈寺即鄭誠祝釐  
之所誠饗王供辦過仁濟觀瀾遠甚王醉自  
吹笙因問知音者左右以及第李鴻升對即

召至前命吹笙笛遂欣然以爲相見之晚命  
屬內侍 庚寅還御景福寺 戊申王泛舟  
板積窰池與宦者白善淵王光就內侍朴懷  
俊劉莊等置酒張樂遂登水樓召崔裒徐  
恭等同飲又召禮成江蒿工漁者陳水戲以  
觀賜物有差夜二鼓還館北宮扈從官迷路  
僵仆相續 五月庚戌移御景福寺 乙卯  
雨雹 辛酉以李之茂爲門下侍郎同中書  
門下平章事崔裒爲中書侍郎同中書門

下平章事金永胤為尚書左僕射徐恭知樞  
密院事金諤為樞密院副使 甲子移御玄  
化寺 六月甲午慮囚 癸卯移御祗候任  
孝誠第 秋七月庚戌移御司空任克忠第  
庚申移御普賢院 八月癸未移御玄化  
寺 丁亥移御景福寺 癸巳還御玄化寺  
冬十月乙酉移御普濟寺 十一月壬子  
移御館北宮 戊午移御興國寺己未還宮  
設八關會幸法王寺 庚申出御普濟寺

金遣少府監完顏章來賀生辰 甲子王  
還宮即幸興國寺 丙寅移御普濟寺 庚  
午潛行移御景福寺 十二月丁丑移御館  
北宮丁酉還宮 乙巳以崔襄偁守太保判  
尚書吏部事金永胤知門下省事判尚書兵  
部事太子少傅任克忠為太子少師徐恭判  
三司事金諤為禮部尚書李公升為樞密院  
副使太子賓客許洪材為國子祭酒左諫議  
大夫

戊丙

二十年春正月己未燃燈王如奉恩寺 庚  
午出御玄化寺 二月癸未幸普濟寺燃燈  
一萬於羅漢殿 戊子還御玄化寺 三月  
乙巳幸金身寺設齋 夏四月甲申王與僧  
覺倪夜宴於聖壽院乃覺倪所創也 戊子  
召覺倪翫月賦詩 申午移御館北別宮嘗  
奪迎恩館北人家增加修營以為別宮 丁  
酉平章事崔子英卒輟朝三日 辛丑王宴  
于清寧齋即玄化寺東嶺新營別館也夜五

鼓乃還 六月癸酉王如奉恩寺 壬午御  
玄化寺長興院賜朴紹等及第 秋七月甲  
辰移御清寧齋 戊申移御普濟寺 己酉  
金橫賜使尚書右司郎中移刺道來王還宮  
迎詔仍宴來使幸普濟寺 乙卯王自普濟  
寺至闕門設帳微行入御修文殿翌日亦從  
帳中還御普濟寺自後凡遊幸皆設帳於道  
八月丁丑移御念賢寺 甲申移御景福  
寺 九月庚戌移御館北別宮 壬戌移御

普濟寺 甲子還館北別宮 冬十月庚辰  
還御壽昌宮 戊子出御普濟寺 壬辰移  
御星北洞別宮本侍郎金敦時私第也 丙  
申還御館北別宮 戊戌飯僧三萬於毬庭  
庚子設百座會于修文殿幸歸法寺遂如  
玄化寺幸僧性文房 十一月癸卯夜宴清  
寧齋寵宦李榮鳩聚錦繡金銀花真香犀角  
馬騾羔羊鳧鴈等奇玩之物陳列左右以迎  
大駕王命侍從將卒射上將軍康勇中的賜

羅一匹綃三匹張女樂酣飲至四鼓還性文  
房 丙午幸歸法寺普光院夜半乃還 癸  
丑設八關會幸法王寺 丁巳還御壽昌宮  
金遣大府監耶律成正來賀生辰 庚申  
宴金使于大觀殿 十二月癸酉移御館北  
宮

二十一年春正月甲辰全羅州路按察副使  
尹平壽獻銀八十斤平壽割民膏血以要恩  
寵時議鄙之 癸丑燃燈王如奉恩寺夜還

亥丁

金敦中馬突觸騎士矢房矢落輦傍王驚愕  
以為流矢疾馳還宮宮城戒嚴甲寅命有司  
榜于市曰有能告賊者勿論有無職東班正  
郎西班牙將軍隨自願除授公私賤隸亦許叅  
職并給銀二百斤女則給銀三百斤王猶慮  
未得又命懸黃金十五斤銀瓶二百口於街  
衢購捕 乙卯屯府兵于闕庭以備不測自  
是選取勇力者號內巡檢分為兩番常著紫  
衣持弓劍分立仗外不避雨雪夜則巡警達

東  
東力

曙 丙辰諫官伏閣言事五日王從之 二  
月癸未幸神衆院 壬辰移御館北宮 三  
月己亥朔王如靈通寺 己未王冒雨幸長  
興院與覺倪夜飲命右承宣金敦中賦詩  
辛酉王微行至金身窟設羅漢齋還玄化寺  
與李公升許洪村覺倪等泛舟衆羨亭南池  
酣飲極歡先是清寧齋南麓構丁字閣扁曰  
衆羨亭亭之南澗築土石貯水岸上作茅亭  
鳧鴈蘆葦宛如江湖之狀泛舟其中令小僮

村  
村力

金敦中馬突觸騎士矢房矢落輦傍王驚愕  
以爲流矢疾馳還宮宮城戒嚴甲寅命有司  
榜于市曰有能告賊者勿論有無職東班正  
郎西班牙將軍隨自願除授公私賤隸亦許叅  
職并給銀二百斤女則給銀三百斤王猶慮  
未得又命懸黃金十五斤銀瓶二百口於街  
衢購捕 乙卯屯府兵于闕庭以備不測自  
是選取勇力者號內巡檢分爲兩番常著紫  
衣持弓劍分立仗外不避雨雪夜則巡警達

曙 丙辰諫官伏閣言事五日王從之 二  
月癸未幸神衆院 壬辰移御館北宮 三  
月己亥朔王如靈通寺 己未王冒雨幸長  
興院與覺倪夜飲命右承宣金敦中賦詩  
辛酉王微行至金身窟設羅漢齋還玄化寺  
與李公升許洪村覺倪等泛舟衆羨亭南池  
酣飲極歡先是清寧齋南麓構丁字閣扁曰  
衆羨亭亭之南澗築土石貯水岸上作茅亭  
鳧鴈蘆葦宛如江湖之狀泛舟其中令小僮

掉歌漁唱以恣遊觀之樂初作亭役卒私賣糧一卒貧甚不能自給役徒共分飯一匙食之一日其妻具食來餉且曰宜召所親共之卒曰家貧何以備辦將私於人而得之乎豈竊人所有乎妻曰貌醜誰與私性拙安能盜但剪髮買來耳因示其首卒嗚咽不能食聞者悲之 壬戌幸歸法寺東嶺與侍臣置酒

癸亥白氣貫日

夏四月戊辰朔日食

乙亥移御普賢院

戊寅以河清節幸萬春

亭宴宰樞侍臣於延興殿大樂署管絃坊爭備絲棚梅花獻仙桃拋毬樂等聲伎之戲又泛舟亭南浦沿流上下相與唱和至夜乃罷亭在板積窰初因窰亭而營之內有殿曰延興南有澗盤回左右植松竹花草其間又有茅亭草樓凡七有額者四曰靈德亭壽御堂鮮碧齋玉竿亭橋曰錦花門曰水德其御船飾以錦繡假錦爲帆以爲流連之樂窮奢極麗勞民費財凡三年而成 庚辰移御長興

院賦詩命詞臣和進 壬午王第僧冲曦享  
王於清寧齋召覺倪及侍臣同飲晚泛舟衆  
美亭南池遊賞至夜 癸未又宴于清寧齋  
賦詩令群臣和進 丙戌移御館北宮 丁  
亥隕霜 癸巳幸承宣李聃別墅 五月戊  
戌朔幸臨津縣宿江邊僧舍翌日與宰樞金  
永胤徐恭李公升崔溫承宣李聃許洪材金  
敦中等泛舟南江中流遡泓竟日爲樂司諫  
林宗植侍御高子思乘晚被召赴宴至夜半

移御普賢院侍從不及子思醉不得行 壬  
寅移御李聃別墅 戊申移御普賢院 己  
酉幸慈孝寺 癸丑幸長湍縣應德亭舟中  
結綵棚載女樂雜戲泛江中流凡十九艘皆  
飾以綵帛與左右倖臣宴樂至五更乃登西  
岸張侯置燭其上命左右射無中者內侍盧  
永醇曰待聖人中的然後臣等中之王射之  
即中燭左右呼萬歲李聃從而中之賜綾羅  
絹留二日觀水戲 丁巳自應德亭乘燭乘



舟盛張衆樂過皇樂亭置酒夜至普賢院  
辛酉幸萬春亭置酒夜入李聃別墅 壬戌  
入御安和寺 丙寅還館北宮 六月戊辰  
至如奉恩寺遂幸李聃別墅 庚午移御玄  
化寺先是王聞城東沙川龍淵寺南有石壁  
數仞削立臨川曰虎巖流水停瀉樹木翳蔚  
命內侍李唐柱裴衍等構亭其側名延福奇  
花異木列植四隅以水淺不可舟築堤爲湖  
其地白沙水勢強悍雨則輒毀隨毀隨補晝

夜不息人甚苦之是日與宰相侍臣宴于亭  
上極歡乃罷 庚辰還御館北宮 秋七月  
丁酉幸歸法寺遂御玄化寺馳馬至獺嶺茶  
院從臣皆莫及 八月戊申移御歸法寺  
己未幸南京 甲子駕至加頓院廣州備儀  
衛樂部以迎仍獻馬二匹肩輿一具陽傘三  
柄 九月乙丑入御南京留守官備禮迎駕  
獻陽傘二柄馬二匹牛一頭是夜命內侍及  
重房射侯中者賜綾絹 己巳幸三角山僧

伽文殊藏義等寺 庚午宴群臣于延興殿  
 賜馬人一匹是日發南京 癸酉至坡平縣  
 江宴群臣于舟中侍臣皆醉失儀樞密院使  
 李公升倒載駕前 乙亥王還京都赦二罪  
 以下詔加名山大川爵號內外八十以上篤  
 廢疾鰥寡孤獨孝順節義孝弟力田者皆賜  
 物南幸隨駕軍將及睿令兩殿侍衛負將侍  
 學公子皆加職 冬十月己亥出御龍興寺  
 丙午移御興王寺 十一月戊辰移御幸

子戊

生院 遣禮賓少卿崔儼如金謝賀生辰報  
 前年耶律成正之來也 庚辰金遣少府監  
 李衛國來賀生辰  
 二十二年春正月甲子朔王御館北宮受賀  
 賦詩示儒臣 丁丑燃燈王如奉恩寺 戊  
 寅宴群臣徹夜至翌日日中乃罷 庚辰移  
 御興王寺 甲申移御狃串江書齋丙戌還  
 宮 己丑以江陽伯瑊之女為太子妃 癸  
 巳王以夢中所製詩示群臣其末聯云布政

仁恩洽三韓致大平臣僚稱賀 二月乙未  
 飯僧一千于宣慶殿 辛丑移御館比宮  
 丁未進江陽伯城為侯 三月辛未移御慶  
 明宮 丁丑幸西京時王母弟翼陽平涼二  
 侯頗得衆心王疑有變移御以避之 庚辰  
 駕至平州崇壽院西亭召宰輔侍臣行酒泛  
 小舟于南溪沂流遊賞至晡乃罷 壬午住  
 蹕黃州洞仙驛宴于碧波亭又泛舟南溪至  
 夜宴樂賜樂工及雜戲人白金三斤 乙酉

至西京 丙戌謁太祖真殿 丁亥飯僧于  
 內殿 戊子御觀風殿下教田朕聞鎬京萬  
 世不衰之地後之王者臨御于此頒下新教  
 則國風清明小民安泰朕即政以來萬機實  
 繁未暇巡御今以日官所奏來幸此都將欲  
 革舊鼎新復興王化採古聖勸戒之遺訓及  
 當時救弊之事務頒布新令一奉順陰陽近  
 來發號施令反乖陰陽以是寒燠失序民物  
 不安自今以後賞以春夏刑以秋冬凡所行

事一依月令一崇重佛事時當末季佛法漸衰几祖宗時開創禪補寺社及古來定行法席寺院與別祈恩寺社如有殘弊主掌官隨即修葺一歸敬沙門近來僧徒貪生謀利比比皆是今欲激濁揚清以救其弊其有清高僧徒遁迹山林者所在官搜訪薦奏一保護三寶其佛舍珍寶米粍雜物近因內侍院及諸司奏取費用僧徒嘆怨自今憲臺遍令曉諭禁斷一遵尚仙風昔新羅仙風大行由是

龍天歡悅民物安寧故祖宗以來崇尚其風久矣近來兩京八關之會日減舊格遺風漸衰自今八關會預擇兩班家產饒足者定爲仙家依行古風致使人天咸悅一救恤民物國家特立東西大悲院及濟危寶以救窮民然近來任是官者率非其人故或有饑饉不能存者疾病無所依附者未能收集救恤於寡人愛民之心何如哉自今吏部擇能堪其任者委之使憲臺糾察能否以爲勸懲教下

百官庭賀是日宴宰樞近臣於清遠樓相與  
唱和爲樂 夏四月癸巳幸興福寺泛龍船  
於南浦宴宰樞近臣 丁酉幸洪福寺又宴  
于多景樓賜水戲人白金二斤 己亥宣旨  
曰西都乃祖宗巡御之地自經乙卯之亂國  
家多事累年未得巡御今欲舊染汚俗咸與  
惟新亦將延基保業乃幸是都迎駕時有所  
違誤爲有司所拘執者公徒私杖以下贖銅  
徵瓦並皆放除又乙卯年緣坐配南界者亦

令放還諸領府及三衛軍迎駕有勞者給大  
倉典廩庫米人一碩 庚子宴群臣於長樂  
殿 壬寅以河清節又宴於長樂殿 甲辰  
幸永明寺泛舟于大同江 乙巳御浮碧樓  
觀神騎軍弄馬戲賜白金二斤 丙午又御  
浮碧樓觀水戲賜白金布物宴宰樞侍臣于  
舟中夜分乃罷 秋至自西京 冬十一月  
甲戌金遣完顏靖來賀生辰 丁丑耽羅安  
撫使趙冬曦入覲耽羅險遠攻戰所不及壤

地膏腴經費所出先是貢賦不煩民樂其業  
近者官吏不法賊首良守等謀叛逐守宰王  
命冬曦持節宣諭賊等自降斬良守等二人  
及其黨五人餘皆賜穀帛以撫之 是月遣  
禮賓少卿徐誣如金謝賀生辰 十二月遣  
司宰少卿陳玄光如金賀正衛尉少卿崔允  
僭獻方物

世家卷第十八

